




IMMIKKOORTORTAMI PILERSAARUT A5-3
Alleriisanngivit eqqaanni inissiaqarfik



Qaqortup Kommunia
TEKNIKKIMUT, AVATANGIISINUT INEQARNERMULLU
IMMIKKOORTORTAQ

Juni 2008

Imarisai

Imarisai	2
Ilitsersuutit	3
Nassuiaat	1
Immikkoortortami pilersaarummut tunngaviit	4
Immikkoortortami pilersaarusiortiusoq	4
Immikkoortortami pilersaarutip imarisai	4
Pilersaarussianut allanut sanilliunnera.....	
Piffissaq oqallisigineqarfia akuersissutigineqarneralu	6
Aalajangersakkat	1
§ 1 Immikkoortortami pilersaarutip siunertaa	7
§ 2 Immikkoortortami pilersaarutip killingi	7
§ 3 Atorneqarnera	7
§ 4 Aqqusernit, biilit uninngasarfii aqqutillu	8
§ 5 Sanaartukkat annertussusii inissisimanerilu.....	8
§ 6 Sanaartukkat isikkui.....	9
§ 7 Nunaminertat sanaartorfigineqanngitsut.....	9
§ 8 Teknikkikkut atortorissaarutit.....	9
§ 9 Nunaminertat inniminniikkat	10
Akuersissutigineqarluni atsiorneqarnera	11

ILANNGUSSAT

Ilanngussaq 1: Immikkoortortami pilersaarutip assiliornera

Ilanngussaq 2: Takussutissatut ilanngussaq

Ilitsersuutit

Nunaminertat, sanaartukkat nutaat, aqqusineeqqat, aqqusernit il. il. nunaminertami aalajangersimasumi qanoq atorneqassanersut, sumi inissinneqassanersut qanorlu ilusilersorneqassanersut immikkoortortami pilersaarummi aalajangersarneqartarput.

Immikkoortortami pilersaarut marloqiusaavoq, tassa nassuiaatitaqarluni immikkoortortamilu pilersaarummi aalajangersakkanik imalimmik ilaqarluni.

Nassuiaatitaani immikkoortortami pilersaarutip siunertai anguniagaalu, immikkoortortallu pilersaarusiortiusup iluani eqqaanilu maannakkut pissutsit kiisalu immikkoortortami pilersaarutip pilersaarutininut allanut attuumassutai naatsumik eqqartorneqarput

Immikkoortortami pilersaarummi aalajangersakkat pinngitsoornatik malinneqartussaapput. Takussutissatut assiliartaliussat oqaasertallu naqinnernik orlingasunik allatat immikkoortortami pilersaarummi aalajangersakkat nassuiarnissaat takussutissaqartinneqarnissaallu siunertaraat.

Inatsisartut peqqussutaat nr. 6 decembarip 19-ani 1986-imeersoq, Inatsisartut peqqussutaatigut nr. 1-ikkut junip 18.-ani 1987-imeersukkut allannngortinneqartoq kiisalu Nunaminertanik atuineq pilersaarusiortnerlu pillugit Namminersornerullutik Oqartussat Nalunaarutaat nr. 23 18. november 1992-imeersoq naapertorlugit Kommunalbestyrelsi immikkoortortami pilersaarusiornissamut pisussaataitaavoq:

- *Tamanna kommunimi pilersaarusiort piviunngortinneqarnissaata qularnaarneqarnissaanut pisariaqartinneqaraangat.*
- *Sanaartugassamut annertuumut imaluunniit pingaarutilimmuut nunaminertamik tunniussisoqartinnagu.*

Immikkoortortami pilersaarusiornissamut pisussaataitaanerup siunertaraa pilersaarusiortnerup ataqatigiinnerusumik ingerlasneqarnissaa innuttaasullu tamatumunnga peqataatinneqarnissaat.

Immikkoortortami pilersaarusiort siunnersuut tamanut saqqummiunneqassaaq sivikinnerpaamik sapaatit akunnerini arfinilinni. Tamatuma kingorna pilersaarut inaarutaasumik akuersissutigineqartinnagu Kommunalbestyrelsip akerlilissutaasimasinnaasut allannguutissatullu siunnersuutit naliliivigissavai.

Immikkoortortami pilersaarutip inatsisitigut sunniutai pilersaarummi eqqartorneqarput.

Nassuiaat

Immikkoortortami pilersaarummut tunngavigisat

Immikkoortortami pilersaarummut Qaqortup illoqarfiani nunaminertanik illuliorfissanik atorfissaqartitsinerup alliartuinnarnera kiisalu kommunip tungaanit nunaminertap namminersorlutik suliffiutillit akisussaaffigisaannik sanaartorfissatut pisariillilerneqarnissaanik kissaateqarneq tunngaviupput. Siusinnerusukut nunaminertami maani pineqartumi Immikkoortortami Pilersaarut A5-2 suliarineqarsimavoq. Taamaakkaluartoq pilersaarusiaasimasup taassuma ilusilerneqarsimaneranit allaasumik ilusiliisoqarnissaanik kissaat pinngorsimavoq taamaattumillu immikkoortortami pilersaarut una nutaaq A5-3 suliarineqarsimalluni taassumalu A5-2 maanna taarserpaa.

Maannamut inissianik sanaartorfiusuni nunaminertat illuliorfigineqarsinnaasut nungussimapput kommunalbestyrelsilu isumaqarpoq Qaqortoq "illoqarfik qorsuk"-tut ataannassappat nunaminertani maannakut inissiaqarfiusuni sanaartortoqaqqissanngitsoq.

Namminersortut sanaartorfissanik pisariilliliinerat

Immikkoortortami pilersaarut namminersortut sanaartorfissamik pisariilliliisinnaanerit periarfissillugu ilusilerneqarsimavoq.

Kommunip sanaartorfissanik pisariilliliinerit pingaarnerit, soorlu aqquernerit pingaarnerit, eqakkanut kuuffiit pingaarnerit Nukissiorfiillu suleqatigalugit erngup aqquersuinerit isumagissavai.

Sanaartorfissamik pisariilliliineq pingaanninnerusoq malitsigitillugulu sanaartornissaq namminersortunit suliarineqassaaq.

Immikkoortortami pilersaarusioneriusoq

Killilerneqarnera

Immikkoortortami Pilersaarut A5-3 Qaqortup Kommuniani Pilersaarusiaq 2004-2014-mi nunaminertami killilikkami A5-imi inissisimavoq.

Immikkoortortami pilersaarut nunaminertap killilikkap tamakkiisumik sanaartorfineqareersimasup A5-ip avannamut kangianiippoq. Nunaminertaq taanna Alleriisanngivatigut aqqusineqartinneqassaaq. Nunaminertaq 2,4 ha. miss. angissuseqarpoq.

Immikkoortortami pilersaarutip imarisaa

Immikkoortortami Pilersaarutip A5-3-p siunertaraa:

- a) nunaminertami inissianik allanillu ataatsimoorussanik sanaartornissami immikkoortortami pilersaarutitigut tunngavissat aalajangersarnissaat.
- b) nunaminertat qanoq atorneqarnissaat sanaartornermilu periaaserineqartussat aalajangersarnissaat.
- c) illut avatangiisinut naleqquttunngorlugit ilusilersorneqarnissaannik qularnaarisunik aalajangersagaliornissaq.

Nunaminertaq pillugu siunertat

Matumani sanaartorfissamik pisariilliliineq, naafferaartumik sanaartugassanullu kissaatit ataasiakkaat tunngavigalugit namminersortunit suliarineqartussaq pineqarmat, immikkoortortami pilersaarummi aalajangersakkat eqaatsut atorlugit imikkoortortat agguataarnerini periusissat assigiinngitsut periarfissinneqarnissaat

anguniarneqarpoq.

Peqatigitillugu aalajangersakkat nunaminertami pingaarnertigut ataqatiginnermik qularnaarisussat ingerlaavartumillu aaqqiissuussinernik assigiinngitsunik ataqatigiissaarisussat ilanngullugit suliarineqarsimapput.

Immikkoortortami pilersaarummi siunertat annersaraat nunaminertap taassuma nuannissusiata (alianaassusiata) sapinngisamik annerpaamik atorluarneqarnissaa. Tassa imaappoq sapinngisamik inuit amerlanerpaat tamatuma avatangiisii nuannersut, isikkivia inissisimaneralu nuannaarutissaqarfigissagaat aammalu nunaminertaq taanna illoqarfimmi "Prinsessip qulaani sanaartorfittut kusanartutut" inissisimalerumaartoq.

Kiisalu kommunip iliuusissatut pingaarnarpaatut siunertarisaa tassa kommunip najugariuminartup ("qorsuusoq") ineriartortinneqarnissaa immikkoortortami pilersaarutikkut matumuuna aamma malinneqassasoq. Tamanna ilaatigut pissaaq qorsuttanik sanaartorfineqartussaannngitsunik inissiinikkut, pisuinnarnut aqqusiornikkut kiisalu nukinnut piujuaannartussanut atuinissamik periarfissiinikkut.

Siunertaq piviusoq unaavoq nunaminertat

inissianut ataasiakkaanut, affarleriinnut imaluunniit uigulukuttunut ataatsimoorussanik sullissiveqartunut, soorlu nivertarfinnut, suliffeqarfinnut nunaminertanullu sanaartorfissaannngitsunut kiisalu akunnittarfinnut, kulturikkut illunut allanullu kulturikkut siuarsaaniarfiusunut atugassannortinneqarnissaat. Aammattaaq nunaminertami angallaffiit aqputigiuminartuunissaat, aamma biilimik uninnngaffigalugit, kiisalu tassani illoqarfiullu tungaanut pisuinnaat aqquteqartinneqarnissaata qularnaarneqarnissaa anguniarneqarput.

Sananissamut akuersissutit nunaminertanillu tunisinerit

Immikkoortortami pilersaarut inaarutaasumik akuerineqarsimasoq tunngavigalugu nunaminertami/ aggornerisalu ilaani sanaartorfissanik pisariilliliiniartunut sanaartorniartunullu nunaminertanik tunisisoqarsinnaalissaaq. Kingusinnerusukkut illunik ataasiakkaanik piginnittunik nikittoqartillugu illumut tassunga eqqaanullu atuuttumik nutaamik nunaminertamik tunisisoqartassaaq.



Nunaminertaq umiarsualivimmiit isigalugu



Nunaminertamiit isikkivia

Piffissaq oqallisigineqarfia akuersissutigineqarneralu

Immikkoortortami pilersaarut A5-3-mut, Alleriisanngivit, siunnersuut oqallisissangorlugu tamanut saqqummiunneqarpoq piffissami 17. april –imiit 29. majimut 2008.

Piffissami oqallisigineqarfiani siunnersuummut akerliusoqarsimanngilaq, kisiannili Attaveqarnermut Avatangiisinullu oqaaseqaateqarfigineqarsimalluni.

Illoqarfiup ilaanut pilersaartip assingi Atuagaateqarfimmi, kommunip saaffiginnit-tarfiini imaluunniit Atortorissaarusersornermut,

Avatangiisinut Ineqarnermullu Ingerlat-sivimmut saaffiginninnikkut, oqarasuaat 64 54 04, imaluunniit qarasaasiakkut aaneqarsinnaallutik uani www.qaqortoq.gl

Inaarutaasumik akuersissutigineqarnera

Piffissap tamanut saqqummiussiffiusup qaangiunnerani illoqarfiup ilaanut pilersaarut kommunalbestyrelsip 4. juni 2008 ataatsimiinnerani inaarutaasumik akuersissutigineqarpoq.

Aalajangersakkt

Kommunalbestyrelsi matumuuna Inatsisartut peqqussutaat nr. 6 19. dec.1986-imi ullulernerqarsimasoq Inatsisartullu peqqussutaatigut nr. 1 18. juni 1986 ullulernerqarsimasukkat allangortineqarsimasoq kiisalu nunaminertat atornerqartarnerat pilersaaruseriorfigineqartarnerallu pillugit Nalunaarut nr. 23 18. nov. 1992-imeersoq kingusinnerusukkullu allangortinneqartoq naapertorlugit aalajangersaavoq:

§ 1 Immikkoortortami pilersaarutip siunertaa

- 1.1 Immikkoortortami pilersaarutip nunaminertap illunik ataasiakkaanik, affarleriinnik uiguleriiaanillu kiisalu sullissivinnik aammalu ataatsimut isigalugu imminnut tulluurtunik sanaartorfigineqarnissaa qularnaassavaa.
- 1.2 Immikkoortortami pilersaarutip sanaartorfinni tamani sanaartukkat pitsaanerpaamik isikkiveqartinneqarlutik inissinneqarnissaat qularnaassavaa qulaanili taaneqartut mianeralugit.

§ 2 Immikkoortortami pilersaarutip killingi

- 2.1 Immikkoortortami pilersaaruseriorfiusup killingi llanngussaq 1-imi takuneqarsinnaaput.
- 2.2 Nunaminertaq 2,4 ha. miss. annertussuseqarpoq.

§ 3 Atorneqarnera

- 3.1 Nunaminertaq inissianut atorneqassaaq,

tassa illunut ataasiakkaanut, affarleriinnut uiguleriiaanut kiisalu sullissivinnut soorlu niuvertarfinnut ataatsimoorullugillu atornerqartussanut allanut kiisalu akunnittarfinnut, kulturikkut illunut allanullu kulturikkut siuarsaaniarfiusunut.

- 3.2 Kommunalbestyrelsip nunaminertami illunut najugarfinnut atasumik namminersorluni inuussutissarsiuutinik minnerusunik, soorlu nujaleriffinnik imaluunniit eqqartuussissuserisut allaffiinik ingerlatsisoqarsinnaanera akuerisinnaavaa, tamanna nunaminertap inissiaqarfittut isikkuanut allannguutaassanngippat.
- 3.3 Qinnuteqartoqarneratigut Kommunalbestyrelsip illuliorfiusussap killeqarfiata iluani garageliortoqarsinnaanera, qulisamik biiliisiviliorqarsinnaanera, mikisumik quiliortoqarsinnaanera qimminullu ungalusaliorqarsinnaanera il. il. akuersissutigisinnaavai, ungasissusissanut aalajangersakkt unioqqutinneqanngippata eqqaamiorisanullu tamanna akornutaassanngippat.
- 3.4 Nunaminertami tassani najugaqartunut akornutaasunik, inissiaqarfittullu isikkuanut allannguutaasinnaasunik qamutunik sullississutunik annerusunik uninngatitsisoqarnanilu angallatinik allanilluunniit ilioqqaasoqassanngilaq.
- 3.5 Nunaminertat sanaartorfigineqartussaannqitsutut immikkut akuerineqarsimasut saniatigut nunamernit allat inissianut, aqqusinernut teknikkikkullu atortorissaarutitut atornerqartussaannqitsut,

sanaartorfissaanngitsut ilaattut isigineqassapput.

§ 4. Aqqusernit, biilit uninngasarfii aqquutilu

4.1 Aqqusineq pingarneq aqqusinermit Alleriisaangivit-mut atassuserneqassaaq. Aqqusineq illoqarfiup ilaani aqqusinermit 6 meterinik silissusilerlugu sananeqassaaq. Aqqusernup avataatigut illugiinnik 1 meterinik silissusilinnik kussinilerneqassaaq sinaanilu 2 meterinik silissusilimmik pisuinnarnut aqqusiorfissamik inniminneerisoqassaaq taamatuttaaq sinaata illua-tungaani aqqusernup silissiffigisinnaasaanik 3 meterinik silissusilimmik.

4.2 Aqqusernit pingaannginnerit nunaminertami aqqusinermit pingaarnermut (Alleriisaangivit uiggutaannut) atassuserneqassapput. Aqqusernit pingaannginnerit 5 meterinik silissusilerneqassapput illugiinnillu 1 meterinik silissusilinnik kussineqartinneqassallutik.

4.3 Sanaartorfiup iluani pisuinnarnut aqqusiorfissamut / majuartarfiliornissamut periarfissaqassaaq, periaatsit oqaatigineqartut malillugit. Aqqusineqqat minnerusut 2 meterinik silissusilerlugit sananeqarsinnaapput.

4.4 Aqqusernit pingaannginnerit isuini biilinu kaajallattarfeqassaaq.

4.5 Aqqusernit qaavi asfalimik (asfaltbeton) qalligaassapput, sivinganeri kussernillu ujaqqanik, kussernit natissaannik beton-inik

cementimilluunniit qalligaassallutik. Sananeqaatit allat taakkunatut pitsaassusillit akuerineqarsinnaapput.

4.6 Illut ataasiakkaat immikkoortut saavini ataatsimik, eqimasunillu pukkitsunik illuliorfiusuni ineqarfiusunut pingasunut ataatsimik biilinu uninngasarfiliisoqartassaaq taakkulu sanaartukkat atorineqalinninnerini naammassineqareersimasassapput.

4.7 Nunaminertamut tunniussamut ataatsimut ataasiinnarmik biilinu aqquteqartassaaq. Inissinnissaa, kussinilernera qulineqarsinnaaneralu kommunalbestyrelsimit akuerineqaaqartassapput.

4.8 Pisuinnaat aqqutaat majuartarfiillu Ilanngussaq 1-imi 2-milu periaasissatut takutinneqartut malillugit sananeqarsinnaapput.

§ 5. Sanaartukkat annertussusii inissisimanerilu

5.1 Aqqusernit pingaarnert pingaannginnerillu killingini sanaartorfiusinnaasut killilerneqassapput. Taakku aqqusernit pingaarnert killingini aqqusernup qeqqaniit 10 meterinik, aqqusernillu pingaannginnerit killingini aqqusernup qeqqaniit 7,5 meterinik ungasissuseqassallutik.

5.2 Nunaminertaq sanaartorfiusinnaasup killingata aqqusernullu akornanniittoq teknikkikkut atortunut (aqqusineqqat, kussernit, erngup aqqutai, innaallagissap aqqutai il. il..) atorineqassaaq allanillu sanaartorfineqassanani.

5.3 Illut nunaminertap ilaani immikkoortuni

- arfinilinni § 5.9-mi najoqqutassat malillugit sananeqassapput.
- 5.4 Illut imminnut attortillugit sananeqassanngikkaangata tamatigut minnerpaamik 10 meterinik ungasissusilerneqartassapput.
- 5.5 Illut tamarmik eqqaanni toqqavissamik (nunaminertamik) peqartassaaq, qinnuteqaateqarnikkut illumut atasumik arlaanik sananissamut atorneqarsinnaasumik (qui, garage assigisaallu).
- 5.6 Illut sammivilerneqarnerini sapinngisamik annerpaamik qaamanermut sammisuunissaat anguniarneqartassaaq, atoruminartuunissaat kiisalu seqernup kissarneranik atorluuanissamik periarfissaqarnissat patsisigalugu.
- 5.7 Illut nunap qaaniit uuttoorlugit 8 meterinik portunerussanngillat. Illulli naqqisa ataas, tamanna nunap nammineq ilusaata periarfissippagu, atorneqarsinnaatitaapput.
- 5.8 Illut toqqavii pisariaqarnera sinnerlugu portussusilerneqartassanngillat. Toqqavik 1 meterimit portunerugaangat portunerussutaa illumut naleqquttumik qalliuserneqartassaaq / qalipanneqartassaaq.
- 5.9 Illut ataasiakkaat-affarleriit uigulukuttullu annerpaamik ininik quleriinnik marlunnik portussusilerneqartassapput. Illut ataasiakkaat portussusilerneqarneranni eqqaamiut isikkiveqarnissaat mianerineqartassaaq.
- 5.10 Immikkoortortami pilersaaruseriorfik
- tamaat isigalugu tassani illut ataasiakkaat, affarleriit uigulukuttullu akuleriillutik inissisimassapput. Illut assigiinngisitaartut immikkoortortami tamarmi qanoq agguataarsimanerat sanaartornissamut pilersaarummi takuneqarsinnaassaaq tassani inissiat amerlanerpaamik 45-t inissinneqarsinnaapput.
- 5.11 Nunaminertat ilaannut aalajangersakkani ataani taaneqartuni kisitsisip siulliup takutippaa nunaminertami tassani illunik ataasiakkaanik sanasoqassagaluarpat ilaqutariit qassit inissaqarsinnaanerat, kisitsisip aappaata illutut affarleriittut sananeqassagaluarpata kisitsisillu pingajuata illutut uiguleriiaatut sananeqassagaluarpata.
- a) Nunaminertap ilaa 1: Inissiat 6-8 – 10 sananeqarsinnaapput.
- b) Nunaminertap ilaa 2: Inissiat 4-6- 8 sananeqarsinnaapput.
- c) Nunaminertap ilaa 3: Siunertanut ataatsimoorussanut atorneqassaaq. Tassani inissianik sanasoqassanngilaq.
- Nunaminertap kujammut kimmut isorpiaani niuvertarfik toqqavimmigut 300 m² angullugu angitigisinnaasoq sananeqarsinnaavoq. Tassunga atasumik biilnut uninngasarfiit naammattut inissaqartinneqassapput. Taakku saniatigut meeqqanik paaqqinniffik toqqavimmigut 600 m² angullugu angitigisinnaasoq sananeqarsinnaavoq, tassungalu atasumik biilnut uninngasarfiit naammattut inissaqartinneqassapput.
- Nunaminertat sanaartorfissaanngitsut siunertanut sukisaarsaarfissanut, soorlu

pinnguarterfiliornissanut assigisaannullu atorneqartassapput.

e) Nunaminertap ilaa 4: Inissiat 8-10-12 sananeqarsinnaapput.

f) Nunaminertap ilaa 5: Inissiat 4-6-8 sananeqarsinnaapput.

g) Nunaminertap ilaa 6: Inissiat 12-18-22 sananeqarsinnaapput.

h) Nunaminertap ilaa 7: Siunertanut ataatsimoorussanut atorneqassaaq. Tassani akunnittarfiliortoqarsinnaavoq, qitiusumik ataatsimiittarfiliortoqarsinnaavoq, inuttasut illuannik sanasoqarsinnaavoq imaluunniit assigisaannik angisuunik inuiaqatigiinnermi pingaarutilinnik aamma/ imaluunniit kulturimik siuarsaaviusinnaasumik sanasoqarsinnaalluni.

Tassunga atasumik nunaminertanik biilinuut uninngaviusinnaasumik naammattunik peqarnissaa isumagineqartariaqarpoq.

5.10 Nunaminertami sanaartornissamut akuersissummik tunisisoqannginnerani, nunaminertat ilaannut tamarmut atuuttussamik sanaartornissamut pilersaarusiamik, immikkoortortami pilersaarummi aalajangersakkanut anguniakkanullu naapertuuttunik, sanasoqartaassaaq.

§ 6 Sanaartukkat isikkui

6.1 Sanaartorneqartut illuliortarnermi kusanartulioriaaseq eqqorlugu isikkoqartinneqassapput, tassa isikkumikkut avatangiisiminnut naapertuuttuussallutik.

6.2 "Prinsessip" eqqaani qalipaatinik

tulluartaunik atuinerup ingerlateqqinneqarnissaa anguniarlugu sanaartorfiusumi immikkoortuni tamani qalipaatinneqartussat, kommunalbestyrelsimit akuerineqartussat, aalajangersarneqartassapput. Qalipaatinik allanik amerlanerusunik toqqaaneq qalipaatinik, sananeqaatinik illulluunniit ilusaannik allannguineq kommunalbestyrelsimit akuerineqartaassaaq.

6.3 Qaliat qaavisa isikkui (qalipaatai / qaavisa sananeqaatai ilusaalu) nunaminertat ilaanni tamani aalajangersarneqassapput kommunalbestyrelsimillu akuerineqartaassallutik.

6.3 Allagartalersuineq takoqqusaarutinillu inissiineq taamaallaat kommunip akuerisaanik pisassaaq.

§ 7 Nunaminertat sanaartorfigineqanngitsut

7.1 Nunaminertap ilaani 8-mi nunamernit illuliorfigineqassanngillat. Taakkunanili pisuinnarnut aqqusiortoqarsinnaavoq issiavilersuisoqarsinnaallunilu.

7.2 Illut akornini nunaminertat, sanaafigineqartut killingisa iluanniittut silataaniittullu, naammaginartumik nalimmassarneqassapput, imeq kussinernut kuussinmaalersillugu nunaminertallu saligaatsuutinneqassapput.

7.3 Suliat pisariaqartut eqqaassanngikkaanni sanaartorfigineqartup iluani nuna allanngortinneqassanngilaq, qaartiterinikkut illuaatiterinikkulluunniit,

- minnerunngitsumik ujaqqat angisuut nunap qaaniittut eqqarsaatigalugit.
- 7.4 Illumik piginnittup illup eqqaani nunaminertat sanaartorfigineqanngitsut torersuutinnissaat akisussaaffigaa. Illut eqqaat sukujunnik ilioqqaavittut atorineqassanngillat.
- 7.5 Nunaminertat sanaartorfiunngitsut naasui nunataaluunniit sanaartortoqarneranut sulianulluunniit allanut atasumik ajoquserneqarsimappata pissusaattut ilillugit suliareqqinneqassapput.
- 7.6 Ujaqqat / qaarsut nunatalluunniit ajoquserneqassanngillat. Immikkut akuerineqarsimannikkaanni ujaqqat qaartinneqarnatillu nuunneqassanngillat.
- 7.7 Nunaminertat sanaffigineqanngitsut saligaatsuutinneqassapput torersumillu isikkoqartinneqassallutik. Eqqagassanik maangaannaq eqqaaneq inerteqqutaavoq.
- § 8 Teknikkikkut atortorissaarutit**
- 8.1 Kommuniq sanaartorfissamik pisariilliliineq pingarneq tassa pingaarnernik aqqusinniorneq eqqakkanullu kuuffilersuineq isumagissavaa Nukissiorfiillu erngup aqqutai isumagissallugit.
- 8.2 Immikkoortortat ilaanni aqqusinniornerit, eqqakkanut kuuffilersuinerit, erngullu aqqusersuinerit, immikkoortortat ilaanni taakkunani atuilernissamut akuersissummik tunniussisoqartinnagu, sanatisisumit suliarineqassapput (-tinneqassapput).
- 8.3 Illut tamarmik imeq errortuutikoq pisortat eqqakkanut kuuffiitaasigut igittassavaat.
- 8.4 Nunap qaani imeq, aamma qaliat qaavineersoq eqqakkat kuuffinnut atassuserneqassanngilaq sanaartukkanullu, nunaminertanut, pisuinnaat aqquataannut, illoqannginnersanut allanullu eqqaaniittunut akornutaaqqunagu kussinertigut kuuttinneqassaaq.
- 8.5 Erngup aqqusiornerit, eqqakkanut kuuffiliornerit, telefoninut-innaallagissamullu aqqusersuinerit, ajornanngippat aqqusernit aqqusineeqqallu killingini tamakkununga inissiivissatut naatsorsuussani inissinneqartassapput.
- 8.6 Innaallagissamik pilersuineq pisortat pilersuivii atorlugit pissaaq seqernulli qinngorneri atorlugit nukiillu ataavartut allat atorlugit innaallagissiuutit tapertarineqarsinnaapput.
- 8.7 Kiassarnermut tunngasut ataasiakkaani aalajangerneqartassapput. Soorlu seqernup kissarnera atorlugu kiassaasersuinissaq nukiillu ataavartut allat atorlugit kiassaasersuinissat periarfissinneqassapput.
- § 9 Nunaminertat inniminniikkat**
- 9.1 Nunaminertaq, kommunimi pilersaarummi maannamut atuuttumi timmisartunut mittarfeqarfiusinnaasutut inniminneerneqarsimasup inissisimaffiata nalaaniippoq. Matumuunali peqatigitillugu Kommunimi pilersaarusiasamut tapiliussa q. nr. 7-imut siunnersuut, inniminneerinerimik taassuminnga atorunnaarsitsisoq inissiaqarfinnillu

kangimut ineriartortitsinissamik
periarfissiisoq saqqummiunneqarpoq.

Ilanngussamut 1-imut nassuiaatit

*1) Pisuinnaat aqquaat takutinneqartut
tunngavissiaannaapput. Inissiffissaviat nunap

pissusia najoqqutaralugu aalajangerneqassaaq.

*2) Qanoq sanaartorfiginissaanut pilersaarut
illut sumut inissinneqarnissaannut
ataasiakkaartuunissaannut, affarleriiunissaannut
imaluunniit
 uigulukuttuunissaanut
pingitsaaliissutaanngilaq.

Akuersissutigineqarluni atsiorneqarnera

Siunnersuutitut akuerineqarnera

Immikkoortortami pilersaarut A5-3, Alleriisannngivit tamanut saqqummiunneqarpoq piffissami 17. april 2008 miit 29. maj 2008 ilanngullugu.


Siunnersuut den 16. april .2008-imi kommunalbestyrelsimit akuersissutigineqarpoq.

Kommunalbestyrelsip ulloq 4. juni 2008 ataatsimiinnermini illoqarfiup ilaanut pilersaarut inaarutaasumik akuersissutigaa


Qaqortoq, 5. juli 2008

Simon Simonsen
Borgmesteri

Jørgen Vetterlain
Kommunaldirektøri



Ilanngussaq 1 - Nunaminertanut agguataarnera, aqquernit pisuinnaallu aqquernissaannut periaatsit.



Ilanngussa 2 – Saaartornissami periaaserineqarsinnaasunut pisuinnaallu aqquataasa sumi inissineqarsinnaanerinit takussutissiaq (malinnissaa pinngitsaaliissutaanngilaq)